

## **Nermina Zaimović-Uzunović**

1. Pitanje postavljeno Ministarstvu spoljne trgovine i ekonomskih odnosa BiH – “Da li će i kada Ministarstvo vanjske trgovine i ekonomskih odnosa BiH uskladiti klasifikaciju SME sa standardima EU?”
2. Pitanja postavljena Ministarstvu civilnih poslova BiH “
  1. Koliko je u 2013. godini izdvojeno sredstava za nauku na svim nivoima budžeta u RS-u, Federaciji BiH i BiH?
  2. Koliko je u 2013. godini nauka povukla sredstava iz međunarodnih projekata?
  3. Koliko će BiH izgubiti zbog storniranja dijela IPA projekata namijenjenih BiH?
  4. Koje se aktivnosti u Ministarstvu civilnih poslova BiH provode na koordinaciji aktivnosti u naučnoistraživačkom radu i s kojim institucijama u BiH i izvan BiH?
3. Pitanja postavljena Uredu za veterinarstvo BiH:
  1. Zašto nije izrađen pravilnik o identifikaciji pasa i mačaka u BiH i ostali podzakonski akti kada je trebalo da budu usvojeni godinu dana nakon usvajanja Zakona 2009. godine?
  2. Zašto nije uspostavljen stručni savjet za zaštitu i dobrobit životinja, predviđen članom 35. Zakona?  
Ako nema stručnog savjeta, ko daje stručno mišljenje o zaštiti i dobrobiti životinja (Ured za veterinarstvo, humanitarne organizacije, pojedinci, niko ne treba to da radi, pošto i sad ne radi)?
  3. Zašto nije formirana, prema članu 34., etička komisija?  
Ko obavlja zakonom predviđeni dio posla etičke komisije (Ured za veterinarstvo, pojedinci po nečijem izboru, humanitarne organizacije, ili mislite da to ne treba da stoji u Zakonu)?
  4. Ured za vetrinarstvo BiH nije do sada obavio predviđene poslove u vezi s provođenjem Zakona o zaštiti i dobrobiti životinja. Negativne posljedice rada Ureda, u dijelu koji se bavi Zakonom o zaštiti i dobrobiti životinja, mjerljive su, poražavajuće i katastrofalne. Da li razmišljate o tome da provodite ili mijenjate Zakon kako bi bio provodiv? Kojim činjenicama se rukovodite da će postojeći zakon, bez podzakonskih akata, stručnih mišljenja, etičkih komisija, nedovoljno sredstava, nedefiniranim nadležnostima, riješiti probleme s kojima se susreće društvo? Činjenice govore suprotno.
  5. Zakon o slobodi pristupa informacijama stupio je na snagu u izmijenjenom obliku, s pooštrenim kaznama za izbjegavanje davanja infromacija. Da li je Ured u stanju da daje odgovore stotinama zainteresiranih?“